

天台四教儀集註

下冊

欽定四庫全書

PDG

天台四教儀集註卷第七

南天竺沙門 蒙潤 集

次明菩薩位者。

菩薩具云。菩提薩埵。摩訶薩埵。舊翻大道心眾生。亦大道成眾生。新譯云。覺有情。以上求佛道。下化眾生。故此菩薩於當教內。亦稱大乘。然此菩薩全不斷惑。三祇百劫。伏惑行因。四教義三。六云。三藏正化二乘。傍化菩薩。若說菩薩斷惑受生。二乘卽疑。若結盡而得受生者。諸聲聞人得羅漢果。將不更受生耶。是故不說菩薩斷結受生也。又妙玄

五十二云。令生事善。故作是說。欲求佛者。改惡從善。

文。又四教義。三云。雖修性念處。而不斷結。爲生三

界度眾生故。文由教不詮中道。應本故留結。惑受

生利物。故三藏菩薩不斷惑明矣。此乃立權則有若大論

云。聲聞人言。菩薩不斷結使。乃至坐道場。然後斷

者是爲大錯。又云。豈有菩薩具足三毒。能集佛法

文。此蓋龍樹申通摩訶衍義。以大破小。故作此說。

當彼鹿苑稟教之時。雖謂實歷三祇百劫。伏惑不

斷。若方等般若轉入衍中。來至法華會歸一實定

無始終。三祇伏惑。故得大論約實斥權。此乃斥權則無若

釋迦果後權示利生不妨自歷三祇百劫故有尸  
 棄然燈等事今之所辨且順立權義邊故約鹿苑  
 三藏明不斷惑如法華文句六廿引阿含五佛子  
 釋更與作字名之爲兒四果支佛名佛真子菩薩  
 不斷惑子義未成文妙樂七云阿含至子義未  
 成者引經既阿含中亦明不斷惑菩薩而大論斥  
 權非謂全無此會同經論明破立意謂非但婆沙  
沙而云亦也以阿含會同婆沙而判大論則此對婆  
知大論斥權云無非謂全無乃立權則有論云  
 迦旃延造者從所造論及所計者說此由上文阿  
斷惑菩薩則經論相符而大論斥之者蓋斥其執  
權之人耳故曰論云迦旃延造者從所造論及所

計者說即出其斥權之意蓋從其所造論及所計故大論謂是迦旃延造是則大論斥其計論執權之非也豈以會二還歸阿舍法華準舊十二年前一

何可笑

此由他師不分大小菩薩之殊及味水牛白牛之異謂法華會二乘歸菩薩故此破

云豈可會二乘還歸阿舍法華四十餘年之後開顯若以會二乘還歸阿舍法華四十餘年之後開顯之教還復準舊十二年前阿舍之教故云一何可笑止觀三十六云煩惱脂消

者名伏為消也故別行下云但伏惑不斷如無脂

肥羊取世智為般若即此意也又俱舍婆沙意云

下八地惑初修禪時先已斷竟此有漏斷亦是伏

義

如輔行三下會釋云云

然不斷見思還斷塵沙否答須知

三祇百劫亦但伏而不斷故至樹王下斷見思時

於塵沙法上證四真諦方斷塵沙也。若止觀三十六云。得法眼。照俗諦。又得相似法眼。有漏智照耳。從初發心緣四諦境。發四弘願。修六度行。

生滅四諦爲所依境。弘者大也。要制其心。志求滿足。名爲誓願度者。越生死流到彼岸也。誓若無境。名爲狂願。不行六度。其願則虛。又此化他四門。徧學。異乎二乘一門自行。又二乘雖無破戒。乃至愚癡。行非利生。不名六度。蓋奪而言之。別對諦緣。三祇百劫。名四階成道。

一未度者令度。卽眾生無邊誓願度。此緣苦諦境。二

未解者令解。卽煩惱無數誓願斷。此緣集諦境。三未安者令安。卽法門無量誓願學。此緣道境諦。四未得涅槃者令得涅槃。卽佛道無上誓願成。此緣滅諦境。四教義王。初云。一未度者令度。卽是度天魔外道。愛見二種。六道眾生。未度三界火宅之苦諦。令得度也。二未解者令解。卽是愛見二種眾生。未解愛見二十五有業。令得解也。三未安者令安。卽是愛見二種眾生。未安三十七品一切諸道。令安道諦也。四未得涅槃者令得涅槃。卽是愛見二種眾生。未滅二十五有生死因果。皆令得滅諦涅槃也。

既已發心。須行行填願。於三阿僧祇劫。修六度行。百劫種相好。言三阿無僧祇數劫時者。

觀音玄記上七云。若匪行山。莫填願海。文輔行三

下初云。阿僧祇。此翻無數劫。翻時俱舍云。八十中

大劫。謂一增一減為一小劫。二十增減為一中劫。今此一增一減亦名中劫。如劫章其小劫名。

自有十種當詳。大劫三無數。謂六十數中第五十二數。名

阿僧祇。謂積此大劫成無數時。故云三阿僧祇。文

俱舍問云。既積無數。何復言三。答。非無數言。顯不

可數。文諸經更有拂石劫。芥子劫。俱如輔行一上

六。若大乘亦有一百二十零三數。如華嚴



且約釋迦修菩薩道時論分限者。從古釋迦至尸棄佛。值七萬五千佛。名初阿僧祇。從此常離女身。及四惡趣。常修六度。然自不知當作佛。若望聲聞位。卽五停心。總別念處。外凡

輔行六上三云。彼婆沙中釋菩薩義。明因則指釋迦。三祇百劫。明果則指彌勒當成。何故爾耶。釋迦果已成。是故指因行。爲令慕果而行。因故。彌勒因已滿。是故指當果。皆使觀因以知果故。故諸聖教。竝明釋迦之因。如說菩薩苦行等。竝明彌勒之果。如說彌勒下生經等。文從古釋迦等者。發軔鈔

云釋迦翻能仁。牟尼翻寂默。能仁是姓。寂默是字。  
 姓從慈悲利物。字取智慧冥理。以利物故。不住涅槃。  
 以冥理故。不住生死。文尸棄。此翻寶髻。非七佛  
 中第二尸棄也。緣載四教義三。初并大論第三。文  
 從此常離女身者。妙玄四。七。釋籤三。五。四教義三。  
 二云第三僧祇始離五障。一惡道。二貧窮。三女身。四形殘。五喜忘。方  
 乃不墮。如戒疏上三云。初僧祇得五種功德。一生  
二生貴家。三男身。四根具。五知宿命。舊云。初僧祇有遇緣。不遇緣異。  
 不遇違緣。即離五障。如戒疏。若遇違緣。至第三祇方  
 離。如釋義。又初僧祇離障。且約功能。三祇方離。乃據

定位。又文句二十二云。不生三惡道。位不退。不生邊地。諸根完具。不受女身。卽行不退。常識宿命。卽念不退。文妙樂二十一云。第三祇時。橫得三不退故。文成論以念處爲位不退。煖頂爲行不退。忍爲念不退。數論以下中上忍爲三不退。淨名疏以煖頂忍爲三不退。各隨義對也。然自不知作佛。四教義三。二云。爾時未發煖解。位在外凡。故不自知己身。當作佛。不作佛。

次從尸棄至然燈佛。值七萬六千佛。名第二阿僧祇。此時用七莖蓮華供養。布髮掩泥。得受記。號釋迦。

文爾時自知作佛。口未能說。若望聲聞位。卽煥位。

梵語提洹竭。此云然燈。大論云。太子生時。一切身

邊。光如燈故。故云然燈。以至成佛。亦名然燈。文瑞

應經。翻爲錠光。七莖蓮華等者。初孺童爲五百道

士講論。得銀錢五百。後問王家女。名瞿夷。買得五

花。并女寄二花。供養於佛。故云七莖。諸文。但云摩

納五花奉散也。如集解布髮掩泥。稽首佛足。見地

濯濕。卽解皮衣。欲以覆之。不足掩泥。乃解髮布地。

令佛蹈而過。文得受記。苾芻等。瑞應經云。佛因記曰。

汝自是後。九十一劫。劫號爲賢。汝當作佛。號釋迦。

文菩薩已得訣言疑解望止。燿然無想寂而入定。便逮清淨不起法忍。文妙玄七十一既云斷惑故知通佛行因之相也。文釋籤八三云然燈授記得無生忍故知是通佛行因也。文發軫鈔據此判瑞應經屬方等攝。若明降生之相蓋約三藏境本而言。此時自知等者戒疏上三云爾時雖自知作佛而口不說準位在煥法性地既有證法之信必知作佛修行六度心未分明口不向他說也。文

次從然燈佛至毗婆尸佛七萬七千佛名第三阿僧祇滿。此時自知亦向人說必當作佛自他不疑若望

聲聞位卽頂位。

毗婆尸翻勝觀亦云徧見優婆塞戒經云於迦葉  
佛滿三僧祇者隨機異說耳此三祇等義並出大  
論俱舍婆沙此時自知等者戒疏上三云是時內  
心了了自知作佛口自發言準望位在頂法位中  
修行六度四諦解明如登山頂了見四方故口向  
他說文觀音玄記下四云聲聞但於一境一門修  
念處等故易成就菩薩徧於一切境界一一四門  
復加六度久遠熏修使一一行攝諸眾生令種熟  
脫故三祇內凡化幾人超凡入聖自身此岸度人

彼岸故經劫長證位猶下。文

經如許時修六度竟更住百劫種相好因修百福成一相福義多途難可定判有云大千盲人治差為一福等。

輔行三下三云過三祇已百劫種相種即修也於

欲界人中南洲男身佛出世時能種相業也前後

不拘。文百福成一相者四教義三二云修行六度

成百福德用百福德成一相以為三十二相之業

因也。文福義多途等者輔行三下三云問幾許為

一福乃至菩薩修十善各有五心謂下中上上上

上中上。初發五心。乃至具足五心。如是百心。名爲百福。成於一相。如是至三十二。名身清淨。文觀音  
玄下二云。凡用三千二百福。修成三十二大人相。  
現時。方稱菩薩摩訶薩。文  
修行六度。各有滿時。

六度滿。文在種相後者。蓋種相時。亦修六度也。  
如尸毗王代鴿檀滿。普明王捨國戶滿。羸提仙人爲  
歌利王割截無恨忍滿。大施太子杼海并七日翹足。  
讚弗沙佛進滿。尚闍黎鵲巢頂上禪滿。劬嬪大臣分  
闍浮提七分息諍智滿。望初聲聞位。是下忍位。



觀音玄記下三云徧割身肉就鷹質鴿至盡一身

不惱不沒自誓真實感身平復是檀滿相尸毗翻與檀翻

為施如須摩提王以身就死持不妄戒是尸滿相尸羅

翻性善即戒善也如忍辱仙人被歌利王翻惡世無道割截身

體慈忍不動作誓即感血化為乳是羸提滿相羸提

翻忍辱如大施太子求如意珠雨寶濟貧得珠墮海

杼海取之杼音汝酌取也筋骨斷壞終不懈廢諸天問之

云吾生生不休故助杼海海水減半龍恐海乾送

珠與之是毗離耶滿相尙闍黎螺髻仙人名也得第四禪

出入息斷鳥謂為木於髻生卵定起欲行恐鳥母